

性者神也命者氣也性若見命如禽得風飄飄輕舉省力易成  
陰符經云禽之制在氣是也修真之士不可不參不可泄漏於  
下士恐有神明降責性命是修行之根本謹緊鍛鍊矣

### 第十二論聖道

人聖之道須是苦志多年積功累行高明之士賢達之流方可  
入聖之道也身居一室之中性滿乾坤普天聖眾默默護持無  
極仙君冥冥圍遶名集紫府位列仙階形且寄於塵中心已明  
於物外矣

### 第十三論超三界

欲界色界無色界此乃三界也心忘慮念即超欲界心忘諸境  
道藏輯要

立教十五論

雷

胃集二  
卅上三

即超色界不著空見即超無色界離此三界神居仙聖之鄉性  
在玉清之境矣

### 第十四論養身之法

法身者無形之相也不空不有無後無前不下不高非短非長  
用則無所不通藏之則昏默無跡若得此道正可養之養之多  
則功多養少則功少不可願歸不可戀世去住自然矣

### 第十五論離凡世

離凡世者非身離也言心地也身如藕根心似蓮花根在泥而  
花在虛空矣得道之人身在凡而心在聖境矣今之人欲永不  
死而離凡世者大愚不達道理也言十五論者警門中有志之